

湖北通志

湖北通志

人物志三十六

列女四目錄

湖北通志卷一百五十八

劉仁妻顧氏

言如酒妻某氏

方正禮婢葵花

王烈女

柳大雲妻馬氏

張日典妻盧氏

段學禮妻李氏

蔚克儉妻陳氏

龔烈女

涂金榜妻易氏

黃汝璧妻彭氏

古河口烈婦

孫念祖妻曾氏

杜經道妻放氏

雷廷秀妻朱氏

趙稽古妻李氏

許臨遠妻段氏

劉文玘妻田氏丁某妻

王安格妻朱氏

周致準妻楊氏

余邦璐妻吳氏

藍德坤妻陳氏傳劉氏

張體浩女

龍風山妻汪氏

李烈女

楊正行妻魏氏

張金梁妻梁氏

周禧妻白氏

陳氏

劉元妻王氏

志百五十八

人物三十六 目錄

宣明妻羅氏

吳降妻葛氏張建祥妻陳氏劉珍妻張氏朱羅氏

申仕鴻妻周氏程履乾女

王根香

王張氏

胡廷聘妻許氏

徐秉哲妻謝氏朱哲妻

周宗适妻段氏

何本善妻朱氏

賈孝女

崔繩祖妻李氏

黃有聲妻彭氏

程子民妻楊氏白天麟妻

趙永年妻白氏

崔學敏妻張氏

賈烈女

熊兆鳳妻余氏

李昌裕妻姜氏

余思舜妻况氏

陳輔相妻汪氏

楊偉用妻余氏

馬訓妻王氏

吳玉光妻余氏

陳安祿妻甘氏

張源財妻王氏

王榮祖妻崔氏

程學立妻杜氏

張廷儒妻李氏

王慎祖妻吳氏

馮天榮妻程氏

王福崇妻譚氏

歐陽元妻黃氏

翁壽妻吳氏

袁際昌母江氏

向斗垣妻楊氏

黃中神妻林氏

江程氏李黃氏等

周穀妻趙氏

望進妻李氏

楊二姐

周化龍妻孫氏

大佛巷二尼

何國能妻陶氏

楊琦妻李氏

胡之明妻邱氏

李敦詩妻畢氏

郭毓賢妻陶氏妹二姑

李貞女絳

汪蘭英

王國材妻范氏

童實元母陳氏阮劉氏

施興章妻熊氏阮王氏

鄭永美妻任氏子婦莊氏

朱其輔妻盧氏

朱啟簡妻馬氏

汪貞姑

喻貞女

熊禮妻錢氏

范明舉妻李氏楊何氏

智榮選妻楊氏

張孝女

李烈女郭文氏

陳楚良妻張氏

許正君

張烈女

姚士廉妻寇氏子婦鍾氏

羅繼祿妻李氏

張裕九妻王氏

姚步瀛妻劉氏

劉孝婦

劉文烈

志百五十九

人物三十六 目錄

戴烈婦張氏

額勒圖貞女

風全妻

季燦妻李氏

龍領珠

龍學澄妻王氏

鄒敬典妻王氏

譚世熊妻龍氏

袁烈女正桂

樊欽選妻鄭氏

朱烈婦

劉自承妻傅氏

倪祖烈妻王氏

蔡宗建妻劉氏

周士元妻蘇氏

吳奉治妻連氏

萬三姑

郭御簡妾蕭氏

黃昌盛妻方氏黃氏諸婦

朱厚貞秦益貞等

朱遵雲妻胡氏子婦胡氏

周昌培妻黃氏

李道緣妻張氏

范文鑑妻陳氏

彭紹敬妻杜氏

劉士燦妻王氏

楊毓貞妻周氏謝室胡氏

呂華妻李氏

蕭翼勳妻袁氏

譚國榜妻劉氏

黃大仁妻魯氏

曹志适妻楊氏

楊大鏡妻周氏

曹良卿妻李氏

劉永華妻黃氏

陳孝女

毛秉德妻周氏

李氏

覃慎妻孟氏

王氏

天池山民婦

城南烈婦某女

孫貞女

張兆桂妻向氏

胡貞女

趙超貴妻宋氏

向世道妻李氏

陳張氏

向榮妻曾氏

向鳳高妻楊氏

湯全道妻張氏

吳菊英

洪應桂妻李氏

王德成妻邵氏

尹高星妻李氏

高大棟妻王氏

吳述曾妻龔氏

李孝女

馮貞女

向遠沛妻陳氏

唐廷達妻楊氏

劉豫吉妻周氏

蕭亦明妻范氏

覃昭和妻田氏

田氏女

游張氏

袁孝女

唐世官妻何氏

蔣士英妻金氏

彭學義妻田氏

樂正禮妻張氏

劉正品妻李氏

彭楊氏

鄒宗仁妻張氏

張章氏

周烈女

句女田氏

黃鳳靖以上清

志百五十八

人物二十六 目錄

三

人物志三十六

湖北通志卷百五十八

列女傳四

顧氏襄陽劉仁妻十九歸仁二十四歲仁卒祖姑孫氏姑羅氏皆

婦居孤子生僅六月顧誓志不易家貧身無完衣日勤紡績上奉

兩姑下育孤兒乾隆四年鄰家火起延及門顧力扶祖姑及姑出

托孤於人復入撫夫棺不去欲與俱焚已而四鄰俱燼惟顧室獨

存人皆稱異乾隆三十一年旌

言如泗妻某氏襄陽人乾隆初言令山西顧尚嚴厲氏性賢明每

規之弗聽越歲生孫貌頗岐嶷惟兩足栗弱不能起立若癰瘰然

妻謂曰曩諫君弗納今生孫若是殆天示之罰苟執迷不寤當有

甚於此者乃悚然懼深自艾悔凡審獄俱布以誠惻不尙刑求孫

長至十餘歲足骨遂堅步履如常人言每以告之爲居官之戒云

秋錄

志百五十八

人物三十六 列女傳

一

方正禮婢蔡花襄陽人白蓮教之亂方家死亡殆盡正禮子樹猷

纔八歲賊欲殺之蔡花跪泣哀求賊義之舍去因抱樹猷伏榛莽

間夜深走至穀城穀城令爲之安置時年僅十六

王烈女襄陽農家女也家人刈麥於田女饑之路遇強暴不辱被

殺時方盛夏屍立三日不仆面如生襄人異之

馬氏柳大雲妻襄陽人年二十四咸豐十一年捻匪突至被掠挾

之上馬氏厲聲罵賊自投於馬下者三賊殺之

張盧氏襄陽人張曰典之妻也年二十于歸甫二載而夫歿於捻

匪之亂氏矢志守節事翁姑教子成名光緒十二年卒守節三

十四年

周歲家貧翁老氏矢志守貞不避其難衣食所出取給十指而老翁甘旨之奉未嘗缺其卒也喪葬無失禮子稍長即令從師讀書未嘗廢學故懷清才弱冠補博士弟子員旋舉於鄉皆氏教養之力光緒三十一年卒壽七十守節四十三年冊
志

蔣陳氏襄陽人蔚克儉之妻年十七夫故無子遺一女翁姑早世夫弟克勤方三歲家赤貧氏立志苦守撫弟如子卒至成立爲之授室生二子以其長爲夫嗣子孫綿延家道小康人謂其守節之報享年七十有九守節六十二年冊
志

龔烈女襄陽人龔文富之女幼字吳馬馬以訟累繫繫於獄女聞之絕粒不食死冊
志

涂金榜妻易氏宜城人偕鄰婦避教匪之亂塗遇賊給日婦人隨營作女紅者救皆唯唯伏地易獨罵曰死因汝知我是何等人殺

便殺肯爲汝役賊怒兵之一賊呼曰止止殺此等婦天不容諸婦皆免冊
志

黃汝璧妻彭氏宜城人白蓮教之亂汝璧戰死彭年二十四力貧養姑自食菜根而已一衫百衲重至六斤晚景離豐猶著此不易

歿後其子孫恒舉之而泣云冊
志

古河口烈婦不知其姓氏年少爲捻匪所掠不從兩賊苦之以繩繫而曳走婦極口罵至古河口面被髮髻鬚而罵賊益厲賊刺其腹死冊
志

孫念祖妻曾氏南漳人年十八夫亡生子甫一月氏勵志苦守撫孤成立卒年七十五冊
志

杜放氏杜經道妻南漳人年二十三夫故父母欲奪其志夫弟亦以不能守爲慮陰爲納聘及委禽者至門氏遂自縊冊
志

雷朱氏雷廷秀妻南漳人年二十四夫故婦姑癱疾卧牀褥氏朝夕負以出入左右就養始終無倦教子有方子及孫先後均入泮守節六十四年冊
志

趙稽古妻李氏襄陽人夫任紹興府教授氏家居養姑姑歿殮葬成禮攜婢兒之夫任夫又歿值路阻八年於外至順治五年親負夫骨行乞歸瘞舅姑墓側結茅居之苦守二十年卒年七十冊
志

許臨遠妻段氏襄陽人嘉慶元年教匪起臨遠毀家募勇戰死段聞之曰吾夫子可謂不欺者矣立後守節事舅姑卒年七十有五冊
志

劉文玘妻田氏襄陽人夫歿守節事重親撫子孫曾元卒年百有三歲旌如例丁某妻田氏亦守節享年百有四歲冊
志

王安怡妻朱氏襄陽人夫歿遺三子赤貧舅姑皆在舅感於妾與妾居姑責朱養妾又日夜媒孽朱利其嫁朱乃願族人願承養姑於是續綿采薪爲養姑不知貧卒年七十三冊
志

周致準妻楊氏襄陽人夫歿無子家貧紡績養翁積資爲翁娶生子宗嗣賴以不絕冊
志

吳氏穀城人余邦璐妻適余十年夫卒貧無以殮鬻衣治殯貢土築墳見者莫不流涕一子方幼矢志堅守有強暴乘間欲犯吳持利刀自截其指以示之乃駭奔所居敝屋不禦風雨康熙五十六年猛虎搏人鄰居多被害獨吳無恙事舅姑備極孝養勤於操

作紡績五夜不懈數十年如一日冊
志

藍德坤妻陳氏穀城人教匪之亂遇賊擄其夫偕陳上馬怒以首觸賊至被七十餘創死家人收其屍旋活後德坤歸生二子歿守節三十七年同時又有傅金豚妻劉氏者夫歿攜子避亂遇賊不

志百五十六
人物三十六
劉文梅

志百五十八
人物三十六
列女傳

屈投於河賊更刺之亦竟不死穀城志

張體浩女光化人年十五聞捻逆入境欲自經其父強攜之逃突遇賊體浩身受重傷女指賊罵曰狗奴敢傷吾父恨吾一弱女

不能生啖爾肉賊怒欲其背父女同死冊

汪氏龍鳳山妻光化人早寡拏匪之亂合村逃避氏憐姑年八十不堪奔馳以其子付弟婦令速行曰汝逃於外汝在吾子在吾守

於家姑亡我亦亡賊至姑被害氏投井死冊

李烈女郡庠生廷選女光化人年及笄未婚晡適犯境女隨母避

難途見賊俱躍入水死賊退乃撈屍起女手猶緊執母手交結莫解見者下淚冊

魏氏儒童楊正行妻光化人生三子一女家貧竭十指力奉舅姑撫兒女脫擒犯光金家被擄賊欲汚氏氏曰吾舅姑已老兒女尚

志百五十八

人物三十六 列女傳

四

幼若能俱釋放吾甘心從汝不然惟飲刃死耳於汝何益賊信之

即縱其家人去氏緩步以隨行至井邊躍身入水死冊

張金梁妻梁氏光化人年二十二金梁應募為兵去不返家本赤

貧氏事姑養子夜績日出售諸市貨糧而歸習以為常展冰賣線

或凍僵於路金梁去四十餘年姑無饑寒冊

周薦妻白氏均州人居與營卒鄰禍出卒持匕首入禮室刳白

號呼力拒卒奪其一履去白哭達旦曰吾履豈可入賊手耶鄰媼

為索履還勸之白得履仍自刳事聞置卒於法襄陽府志

陳氏均州長新周未婚妻陳生十歲母亡父質易於外念女無依

俾待年於其年十七未婚新周天陳手績麻服喪畢長父母欲為

改字陳偵知即於密室投縋家人救甦誓固守不易志舅姑許諾

生員景周新周之長兄也以已子為之後陳撫以終身湖北通志

劉元妻王氏均州人夫歿家貧姑病癱瘓嘗從母家乞米歸養或

貸黃豆磨為腐賣之宵深猶續姑燭之而泣則解慰曰婦聞君子

固窮後孤子成立家漸裕冊

宦明妻羅氏均州人年十八而寡赤貧立孤以女紅自活有富人

託媒勸其改嫁盛稱金翠綺羅羅大患曰吾但知食糠粃衣故夫

破衣為榮安用此糞土哉冊

吳降妻葛氏均州人夫歿家貧年十九無子立兄子兄子愚娶婦

婦嘗已而教匪起子又死為兩孫娶婦兩孫又死兩孫婦皆改嫁

去葛竟餓死又張連科妻陳氏夫歿家貧子幼翁嬖而姑誓力耕

以養守節五十餘年冊

劉珍妻張氏均州人年十八而寡家貧子幼辭衣易米養舅姑自

食野菜舅姑無凍餒者二十年又有朱孔洛妻潘氏家貧無子冊

志百五十八

人物三十六 列女傳

五

女紅養姑姑病癱事之曲如其意朱殷妻羅氏無子以女紅養舅

舅性嚴至以鞭撻索甘旨羅忍涕弗違冊

申仕鴻妻周氏均州人嘉慶二年賊犯均仕鴻戰死周孀子女逃

賊大憾仕鴻跡周母女所往周及女投崖死同時履乾女年十

七焉賊死於亂刃冊

王根香均州人王秀女生而貞慧同治三年夏有營勇過秀門值

秀夫婦出耘窺根香在室二輩租而入迫為具酒食女給之曰爾

速炊將作湯餅餉爾勇喜甚一人趨燭竈一人踞室中坐瞰女操

刀杖游詞互投少頃釜中水沸勇方俯頸拾薪女乘間遽潑以沸

湯勇愕痛大呼復連潑之頭面潰爛其一見之先逃被傷者亦跟

跽去日夕秀夫婦歸女泣曰女以閨中潔質遭游勇戲謔辱甚矣

義不可復生中夜維經死年十七歲冊

王靈氏均州人年十六于歸時夫已患瘋疾氏親侍湯藥衣不解帶者數月未幾夫卒去婚時不過五月氏痛不欲生姑勉慰之氏以祖翁姑及翁姑在堂即不死奉養兩世尊人皆得其歡心中年撫猶子為嗣教養倍至卒克成立光緒二十七年卒守節四十二年

采訪

胡廷聘妻許氏即縣人順治四年王光泰叛羣賊執許許則目斷髮投水死

志一

徐秉哲妻謝氏即縣人夫歿姑老子幼遭洪福亂扶姑攜子逃寓日夜佩利刀以防強暴姑歿營葬撫子有成苦節五十年秉哲女許字周詩未嫁而詩歿適周事姑姑歿哀慟事繼姑孝詩弟三人俱幼日用皆給於徐康熙五十九年旌

志一

周宗適妻段氏即縣人夫得狂疾時持刀秉火段侍疾不忘夫歿

志百五十八

人物三十六 列女傳

六

遺孤亦夫舅欲奪其志不從以從子為嗣康熙五十九年旌

志一

何本善妻朱氏即縣人夫事翁姑極孝翁嘗指氏諡其子曰有規若此可潛心攻讀無內顧憂矣後翁姑相繼逝氏夫亦痛親過甚而沒時氏年二十四苦節終身

志一

賈孝女即縣人農民賈進祿女年二十一待字適父母病篤女以家貧無醫藥資判肝烹之次第以進其父母病立愈不數日女創亦愈

志一

李氏即縣人州同崔繩祖妻生而孝謹不苟言笑年十五能讀列女傳于歸後孝事孀姑姑病適繩祖計偕入都氏侍醫藥罔效遂割左股肉方二寸許雜藥以進姑病頓愈家人無知者後繩祖需次入陝氏持家務憂勞成疾瀕危時猶以未能事姑為憾云

即縣人

黃有聲妻彭氏即縣人賊至被擄罵賊求死賊脅之行至懸崖仄

徑下臨江漢乃乘隙擠賊墜巖投江而死

即縣志

趙白氏即縣人趙承年之繼配也承年前妻傅氏遺一子趙撫之如已出無何承年卒氏仰天大慟求死者屢矣以翁老夫前妻子尚幼乃街衣強起奉翁教子如平日未幾翁卒家益貧氏勵志苦節課子讀益嚴讀稍息則涕泣教之曰吾所以不死者為兒耳兒若此吾何生為子述助終克成立補縣學弟子員氏守節四十餘

光緒乙未年卒

守節

崔張氏即縣人崔學敏之妻也同治三年學敏從陝甘總督楊勳

志百五十八

人物三十六 列女傳

七

匪欽功遞保道員五年陣亡氏青年撫孤白首完節光緒二十九年編修王萬芳呈請旌表建坊入祀節孝祠

采訪

賈烈女即縣人幼許字某氏子未行而卒烈女聞信赴夫家剪髮誓守家亦貧針黹度日孝事雙親自幼至老不出門庭即至親密戚未嘗見面卒年七十餘

采訪

熊兆鳳妻余氏房縣人嘉慶元年賊起姑自縊謂其夫曰我兩人何能生因對縊余縊忽中斷而蘇見一子一女哭又歎曰我何能死因攜之返成家焉

即縣志

李美氏房縣人李昌裕之妻年十八歸昌裕夫婦相敬琴瑟甚敦甫三載昌裕遭疾卒既葬之夕氏呼天號泣淚盡成血仍強為安慰舅姑之辭及入室沐浴更衣仰藥死距其夫之死僅二日耳時年二十歲

采訪

况氏庠生余思舜妻房縣人舜家貧遺館氏肩家事刈麥荒郊遇
無賴劉志成強犯之氏以死拒得免急召夫歸泣訴忿急自縊死
官聞抵志成罪奉文建坊房縣志

汪氏陳輔相妻房縣人年二十相卒誓以身殉翁姑再三慰之已
而出其衾粧分給諸姊家人怪之防愈密一日晨起莫畢調膳進
舅姑旋入室自盡房縣志

余氏庠生楊偉用妻房縣人用詣郡病故氏聞訃哀毀廢食及柩
到家一慟而絕知縣董秀懿其節列爲祭莫房縣志

王氏馬訓妻房縣人年十八訓故遺孤甫十月撫之成立苦守三
十一年卒年四十九房縣志

余氏吳玉光繼妻房縣人于歸五月光卒氏年二十矢志守節前
妻子甫七歲教養兼盡撫之成立鄉黨欽之房縣志

志百五十八 人物三十六 列女傳

陳安祿妻甘氏竹山人早寡守節二子入行伍咸豐六年粵匪至
甘以鄰鄰楊年九十相依不忍去遂遭賊僞毀面罵賊賊支解之
死房縣志

張王氏竹山人張源財妻素好善教導鄉鄰婦女年九十餘每
月朔集年少者教以孝和近三里許戶無詬訾聲里中感其德化
遇生日祝者盈門竹山志

王崔氏竹山人王榮祖妻榮祖故氏父崔立功囑女曰昔授讀詩
經柏舟一章可終身誦之不然無歸我宗也氏遵命事翁姑撫孤
子中外無閒言竹山志

程杜氏竹山人程學立妻夫故尙未有出夫弟貧不能娶氏曰若
小郎無妻則兩門之宗祧皆絕悉質釵釧爲弟授室生二子氏繼
其長日夜績紡藉以存活竹山志

李氏竹山武舉張廷儒妾生長揚州知書通大義廷儒官徐州衛
領運千總氏事廷儒母郭及大婦王能曲意承順廷儒又納妾郝
氏郝氏生子李善撫之乾隆丙午夏廷儒失事遭戍連調疾卒臨
汾旅舍母及嫡妻已先亡李年甫二十餘跋涉奔喪變產不足攜
廷儒十齡從子從一老僕走徐州謁同官告助猶不足則寸步
行至臨汾收骨置槨欲背負歸縣令聞其事助以資斧與馬得徑
抵家以禮安葬與郝共撫遺孤成立張族習尙多歧李與郝謀攜
其子別居俾就書塾人問何爲自苦李曰孺子須慎蒙養吾恐如
素之染於緇人尤服其有識云房縣志

志百五十八 人物三十六 列女傳

馮程氏竹山廩生馮天榮妻年十八于歸夫故時年二十有四家
貧親老孤苦伶仃該氏痛不欲生祇以婦姑在堂久病牀褥躬侍
湯藥備極艱苦歷五年如一日撫育兩兒教之成立門戶漸興咸
以爲節孝之報云房縣志

王福崇妻譚氏竹谿人性至孝姑年九十病不能興同治元年川
匪至福崇攜子逃去譚哭曰婦不孝不能再承奉姑矣因投繯楊
右賊見愴然不害其姑房縣志

歐陽元繼妻黃氏竹谿人元官無爲州塗遇賊舉家被害黃抱前
室子繼琳被箭未死得脫仍以服喪歸時年僅二十四肆縉度日
苦節四十餘年湖廣志

翁吳氏竹谿人年二十適同縣廩生翁壽才氣茂美肄業江漢
書院遭疾卒於武昌氏年二十八間耗痛不欲生惟念親老子幼

事畜乏人撫遺孤病斗成人名列膠庠支持門祚備歷艱辛光緒元年旌

袁際昌母江氏竹谿人家貧好施與比邑有貧不能存者推解不

吝際昌性尤純至年近八十色養不衰尤緒癸未知縣周益履任

聞其事特往存問饒粟米時江氏百三歲猶強健無龍鍾態益爲

作百三歲記貽之

向斗垣妻楊氏鄆西人夫歿守節家貧晝夜紡績以養舅姑嘗被

大水浮於樹杪若有物載之以免雍正元年旌

黃中紳妻林氏鄆西人事舅姑以孝聞城陷時夫婦皆七旬肅坐

中堂罵賊而死

江鳳國妻程氏鄆西人年少多力賊至率子女持刀堵禦殺數賊

賊膽集被執不屈獨割之又儒童季全梯妻黃氏年十八涉書史

兼嫻武藝賊入室奮奪賊刀殺一賊賊怒寸磔而死又兵丁裴春

榮妻某氏見夫與賊戰不勝乃奪夫刀殺三賊力盡爲賊殺賊解

其屍陳繼和妻李氏亦與賊鬪死

趙氏周毅妻保康人毅亡時氏年十八無子撫嗣子宗政成立家

無僭石儲以苦節終

望進妻李氏保康人年十七歸進甫九月而進亡家貧甚氏奉翁

姑艱苦備至翁姑憐其無子欲嫁之氏曰忍令吾夫餒而乃撫姪

爲嗣苦節六十餘年

楊二進保康楊樸女也幼字高吉兒嘉慶初賊亂吉兒逃亡無耗

撲謀改字女泣曰有死無二樸弗許女絕食數日密縫衣履投繯

死

後流賊南奔孫曰懷利刃袖中曰吾子幼吾不得死雖然苟賊犯

吾者吾亦不得生賊至果死昌累官登萊道

荆門大佛菴二尼長法淨故連州參將武君仕妻次法嚴故荆門

營于戶張世宰妻夫死行陣皆寄跡空門茹苦終身里黨咸稱其

節

何國能妻陶氏荆門人國能家素封氏于歸後值兵亂家中落翁

姑在堂氏典簪珥以供甘脆朝夕無闕會國能病卒氏年二十八

誓以身殉念三子皆幼遂截髮毀容日食一蔬者二十餘年以苦

節終子卜昌康熙庚辰武會元

楊琦妻李氏荆門人事繼姑至孝夫歿子天紡績所餘以給族黨

之孤寡歲歲施粥糜飯餓者竊匪相戒不遇其村年七十攜婢往

住夫墓廬焉守節四十一年雍正中旌

胡之明妻邱氏荆門人夫歿撫孤家貧止沙田畝許衣食不贍其

後境稍裕乃好施歲饑日爲鄉里一粥而布素如故守節六十餘

年及見其孫作梅官翰林

李敦詩妻畢氏荆門人敦詩亦貧遠買畢甘凍餒事姑孝或不舉

火必以鍼帶紡績錢蓄食物奉姑姑不知貧咸豐七年粵匪至城

破向姑泣曰媳不能奉矣投井死

郭毓賢妻陶氏當陽人流賊之難毓賢以身代父陷賊中陶伏叢

草間得免及聞夫去號泣曰我夫義士必死於賊倘冀生還乎投

水死毓賢妹二姑亦以罵賊遇害

李貞女名絳當陽李愷女許字楊昌慶昌慶天祥年十七適楊爲

立後宅爲鄰火所延撫棺號泣風反火滅守貞數十年足不踰閭

志百五十八 人物三十六 列女傳

志百五十八 人物三十六 列女傳

土

汪氏女蘭英當陽人許嫁傅立立殤汪年十五歸傅日熱汲養其姑二十年弗懈守志不二鄉黨共稱

吳省欽汪貞女義田碑

王國材妻范氏當陽人嘉慶三年教匪至逃至常家村為賊所掠脅以刃不從殺其家至八口范洋謂夫曰汝非吾一家人胡不去

夫乘機逃家十七日皆遇害

當陽志

章寅元母陳氏當陽人年二十六夫歿遺一子赤貧人勸其鬻子他適不從行乞養子卒成家守節五十年又有阮繼世妻劉氏年二十三夫歿舅姑強之嫁不可歸依母家亦行乞養子子成立復歸養舅姑守節五十三年

宋訪

施興章妻熊氏當陽人年二十一夫歿家瘠貧以女紅稍裕夫有叔祖父母居鄰縣貧無後又皆瞽使人迎歸養之等舅姑又有阮繼炳妻王氏年二十夫歿子殤孝養姑姑女適人者多貧極力周

恤

宋訪

志百五十八

人物三十六 列女傳

主

鄭永美妻任氏當陽人年二十夫歿撫嗣子嗣子歿撫孫嗣孫又授子婦王氏以哭子死孫婦莊氏亦殉更立嗣孫撫之苦守清節六十餘年

宋訪

朱盧氏當陽人朱其輔妻素習書史博學能文年二十一夫故無子女甫一歲氏一慟幾絕以翁姑在堂無人侍養乃節哀營葬自為文祭之情詞悽惻聞者流涕立夫弟子本祐為嗣踰年翁姑相繼歿喪葬悉遵古制號泣之聲哀感行路世家多取法焉未幾夫弟逝嗣子幼女亦夭族中又無可再立者氏乃抱胸號曰天乎天乎吾力竭矣將養翁姑侍吾夫於地下也於是購石鳩工自高祖以至亡天盡一月內置墓碑皆遍並自題其墓曰當陽節婦朱盧氏之墓悉散財產於族人僕婦二人厚貽而之因閉門終日不

出族人赴之破門而入見氏端坐帷中逝面如生遠近聞之莫不流淚及葬往送者數千人無不泣下者此光緒三十四年事也

冊

朱啓綱妻馬氏遠安人夫歿家中落依母針黹母病風不能言動曲事之數年有勸其子承緒充役者怒曰吾子孫清白奈何欲污

我耶承緒後為拔貢生馬守節四十八年

刑門

汪貞姑遠安汪志榮女幼字陳國祚夫天誓守貞志榮潛受王氏聘乃自縊死王氏來弔靈幃忽下垂主亦內向若不享其祭者人咸異之

刑門

喻貞女遠安人父時昌嘗以女許王王氏子殤女尚幼不知及長父死母病將為女議婚女曰聞父固有言況不能去母乎終身不

字冊

志百五十九

人物三十六 列女傳

主

錢氏熊禮妻江陵人順治己亥江陵時疫盛行轉相傳染親戚不敢過問氏翁姑得是疾時方歸寧母家欲趨視父母力阻之不可遂率湯藥翁姑疾瘳門門俱無恙

見聞

范明舉妻李氏江陵人年二十六守節歲饑攜二子覓食他鄉舅嫗之令改適不從晚年稍裕輒厚與句者或並言往事不諱卒年八十一又有楊慎文妻何氏年二十三守節家貧無子歲饑茹野菜以活年六十餘

刑門

智楊氏智榮妻江陵人繼姑性悍恒虐待之氏奉事惟謹退無後言榮還病氏侍湯藥至廢寢食及歿晝夜哭不絕聲派盡繼以血水漿不入口數日既葬沐浴更衣履結束嚴謹從容仰藥死

江陵志

張孝女江陵張彩瀚女乾隆戊申永入城與母文氏乘屋脊而浮

母隨水女亦隨同居力救而出女見母不起仍投水死

荆州志

李烈女江陵沙市人乾隆戊戌歲大饑官設粥廠父母命女往取

粥有役輕薄多給女錢米女怒擲之歸爲父母所尤投綴死鄰穴

女者適其姓居樂善街嘉慶二年夏夜鄰火延燒女聞呼驚起出

室顧衣短仍趨入蹈烈焰死

荆州志

張氏上元人江陵候選縣丞陳楚良妾幼失父母事嫡室毛甚謹

居常言古節烈事輒感激不自禁楚良卒毛微身殉張曰夫人子

女尚幼未可輕生賤妾無所繫宜一死報主君耳絕粒數日家人

力勸不得死嫡以已生次子使撫之稱慈母從容出華綺以進嫡

分釵釧貽嫡二女一夕剪所服金銀衣鈕置几上內著衰麻外襲

疏布投綴死毛憐其志厚葬從夫兆域春秋無廢祀

湖北通志

松林稿

許正君江陵人許瑤圃女幼讀書許字向昇昇客蜀溺死正君年

志百五十八

人物三十六

列女傳

西

十九以素絲約髮慟幾絕昇母往將諭之他字既見相持哭竟不

能言正君因坐卧一室爲賦弔曹娥病亟爲絕命詞有淚滴黃泉

冷魂飛蜀道難之句卒年三十七

荆州志

張烈女江陵人張述言女幼時母患沈痾女旦夕侍湯藥衣不解

帶及歿哀毀骨立幼字王氏子王甫成童卽游蕩不事生業女父

漸萌悔婚意女偵知潛諷其姑王張氏使早爲之所不聽不得已

浼鄰姬傳語王氏子具告父意令速請婚又不聽始決計祝髮請

於父父陽許之而陰受鍾姓聘聘王作悔婚書屬鍾具舟楫以送

至尼替爲辭女登舟始覺投河者再舟人力挽之不得死至鍾室

不食鍾不敢逼女旋服毒亡其衣底所素蓄之燭也鄰里共哀其

志刊石墓所

册訪

姚士廉妻寇氏江陵人夫亡守節二子幼僕商販以養寇通韓墨

嘗有白馬嘶其園作文禳之僕時蔬鋤地得金上鏤里人姓名寇

荆州志

曰非吾財也盡予其人次子婦鍾氏早寡與姑相依並飢官以老

李氏羅繼祿妻江陵人適羅七年始生男未育夫繼祿兼挑三房

亦病故時翁年七十矣李氏排眾議勸翁娶妾授家政然後死

不二年妾果生男三房裡祀斷而復綿論者謂誠孝所感云

張裕九妻王氏江陵人夫歿遺腹產子赤貧無依父母勸之曰以

汝所處遭凶歲奈何曰兒命薄再嫁何必不寡曰汝恃有子耶曰

兒固守夫非守子子成不成聽之子竟成立

姚步瀛妻劉氏江陵人婉順知大義步瀛故武舉嘗怒撻婢死問

荆州志

府志

荆州志

府志

荆州志

府志

荆州志

府志

於官劉代承官知其情加以刑訊死而復蘇無異詞獄上巡撫楊

霍原其誤而釋之

劉孝婦者江陵人夫正清游蕩婦傭於里中邵氏得值以養姑會

姑病將死婦旁皇無計夜割肝烹以進姑病良已無知者久之主

婦家見其襟有血痕固詰之乃得實於是石首姚德銘江陵邵承

潤劉寶森均爲詩紀其事遂爲荆州府知府恆琛所聞以扁額旌

其閭光緒十一年夏初事也

劉文烈字景鴻江陵人優貢浙江知縣劉寶森之女也母邵氏文

烈生有異稟甫十齡言笑不苟進止如成人天性至孝以侍母病

形神俱瘁竟至不起年十七耳其將沒也若前知者力疾起沐浴

櫛髮更衣還寢而沒事親外惟嗜書史詩文各作大半能舉其詞

所爲詩詞數十首多可傳者字學顏平原筆力遒勁日有定課復

前二日猶力起爲之云

册訪

戴烈婦張氏名莖衡字叔沅江陵人舉人斬水教諭士瀛之第三

子

七

九

十

十一

十二

十三

十四

十五

女也幼從父學習聞禮教四子書毛詩女誠女論語古詩樂府皆上口稍長徧讀列女傳廣列女傳及陳文恭曾文正遺書六歲喪母哀毀過度父益愛憐之年二十適同邑戴秋帆生一子一女子先殤宣統二年夏秋帆病烈婦憂勞勤苦求所以愈之者百端且陰割臂以進而病終不可起羣醫謝去烈婦即隱有殉夫志秋帆覺之潛告諸姑及世母如不諱斬保新婦令勿死烈婦慰之曰我當爲君撫巧兒君善自養勿以我爲慮巧兒者烈婦女也諸姑姊妹來者烈婦迎問笑語如平時即欲有所勸慰皆嚙不得發一日秋帆病革烈婦出素所藏芙蓉膏盡器咽之鹽沐更衣進湯餅蓋習知毒入假之以穀食則不可救也秋帆時在彌留中忽張目說曰眾奈何不救又曰色變矣眾以爲囈語不知其謂烈婦也既易竟見烈婦襟有膏漬痕呼號奔救中西醫環集烈婦閉口不受藥

志百五十八

人物三十六 列女傳

太

扶齒灌之入少許又強抑不令得吐西醫搖首不能救遂卒後秋帆二時許耳卒後檢其遺篋得其死前二日談話兄託孤女書凡二百四十言慷慨從容讀者無不流涕其兄樞衡在京師先半月夢節婦殉夫慘死一夜中醒而復夢者三未幾果得耗蓋殉夫之志久決故雖生時而精魂之感通如此節婦卒時年二十四時宣統二年十月十四日也

宋訪

額勒圖貞女名貞亭幼受謨羅哩聘性聰穎刺繡精絕尤善繪事

年十六聞夫病瀕危請於父往視疾夫沒留事舅姑未幾舅亦歿

竭力奉姑孝養備至粵匪之亂荆州議築砲臺當爲將軍官文繪

地圖以進封疆險要瞭如指掌其後用兵即按圖修守備荆州恃

以無恐及姑歿嗣子又夭女治殮殯事悲不自勝仰藥死

氏字季雲荆州駐防文煥之妹知縣鳳全繼室鳳全

升至道員充駐藏幫辦大臣行至巴塘俟期虐其土酋酋忿殺之氏聞吞藥以殉不得死乃訴於將軍總督請兵往誅其酋歸鳳全喪總督錫良以聞得優卹並准建祠氏乃斥家財爲營葬地即墓所里許爲祠祠成往祭畢夜投池水死池新穿水故不深而能死者蓋志已早決云

冊訪

李氏季燦之妻公安人年二十三夫亡姑年七十子未週歲夫目不瞋氏泣曰養老撫孤妾俱任之君無以爲慮乃瞋氏卒踐其言

雍正八年旌公安

龍領珠公安人生於世族少聰穎能詩善探覽圖詩集嫡徐炳燦勉之學敬戒無違事舅姑以孝聞子煥章能文得力於母教爲多

公安

王氏貢生龍學澄妻公安人年二十八夫故遺子潛撫育婚娶氏

志百五十九

人物三十六 列女傳

七

獨力支持潛復不壽有幼孫二人後與媳張氏熊氏撫之成立次孫言入縣庠兩世俱以節聞氏承遺產樂施于武候院潰盛捐數百緡堵築知縣盛康卸任貧甚命子潛餽之金五百族黨貧之周卹不倦年八十六卒道光開旌

公安

王氏邵敬典妻公安人于歸四年夫故越十七日氏自到方其垂

歿也喘息囑夫弟曰余於乃兄義不獨生祖宗之祀乃兄之嗣惟

叔是賴言訖而卒

公安

龍氏監生譚世熊妻公安人年二十四熊故無出撫夫兄世勳子

爲嗣時歲饑家貧父兄欲令他適氏對天誓志終身不歸省幼讀

書能詩著有雪窗吟

公安

哀烈女正桂石首人袁懷安女幼通書史許字曾憲玉憲玉天父

母不許奔喪縗服縊於寢留詩自表台葬於曾同時族人有袁大

熱者病死聘妻鄭氏謂父舊庸曰兒豈不能為哀烈女乎以兒歸
哀奉其祀否者死送歸為大執立後府志

樊郭氏石首人樊欽選妻事翁姑盡孝欽選素好施予每歲款凡
減價糶穀調劑戚族周卹佃鄰皆氏贊成之夫死家中落氏慈惠
至老弗渝石首志

朱烈婦石首人佚其夫名年二十夫歿撫孤家貧歲凶伯叔勸之
嫁婦曰此身不能失節餓死固所甘心與子俱斃采訪

劉自承妻傅氏石首人家故貧道光中歲饑寄食於王氏婦姑勸
改嫁傅執不可被鞭撻乘夜抱女投水死采訪

倪王氏石首人倪祖烈妻性慈惠家小康夫歿戚族稱貸者量力
助之不索償每臘杪周恤貧家各給以百錢斗米無衣者為棉衣
贈之歿之日鄉里來弔多哭失聲石首志

劉氏監利蔡宗建妻性慈祥于士慷慨出見婦人倚門哭甚哀謂
夫死子幼歸告劉遂招其母子食於家有張某欠官逋不能償
欲自殉劉遣子以金助之湖北通志

周士元妻蘇氏監利人吳逆之亂夫婦避地江陵業牧乳度日士
元後從軍資於渾溫都司越十五年貽書言貧不能歸聽蘇去蘇
父母力勸蘇不從日無書來且守有書安往哉男子外娶多矣萬
一歸者我能為之下越二年士元以守備赴都歸蘇方備於鄰相
持大哭偕之官溫亦遜嫡後以士元官提督受封監利志

吳奉治妻連氏監利人幼慧父舉人國憲授之讀賦鞠詩自況及
算孤衡方彌月截髮斷指誓死不改適江隄潰沒廬舍貧姑攜子
漂散里得免姑病飲時雨則活泣禱竟雨乾隆三十二年事府志

監利志 案縣志載吳連氏節詩云菊性孤高志不移年年九月
東籬生 平弗作蓮花態秋晚獨臨風冷姿厭向陽和爭雲白

施於老親見操持可憐寂莫
幽窗下惆悵經霜有傲枝

萬三姑監利民家女父母殤弟幼家素豐叔某利其有屢欲死其
弟三姑防護周至不獲乃以計誘雇工吳某入三姑室已跡之執
吳誣其有姦穢二人衣合縛沈諸水越日網得之三姑僵屍猶以
兩手拒吳哭吳鳴於官官弗察復上控太守周鍾道復鞠得其情
驗三姑屍如生為雪其冤監利志

郭御簡妻蕭氏監利人年二十甫生子而寡能事大婦年饑以紡
績所蓄濟貧親戚不能葬者與以生塋卒年八十九府志

黃昌盛妻方氏監利人年二十三而寡家貧晝夜紡績昌盛有姑
母亦孀居也迎養於家撫二子士達士進成立又黃士敏妻張氏
黃鍾妻萬氏黃士江妻甘氏皆年少守節訓子有方時黃氏婦以
節著者學聖妻劉氏夫死欲殉不果鄰嫗調之改適劉正色曰黃

氏祀存亡在我我身不輕也學禹妻胡氏學國妻王氏皆誓不再
嫁又儒莖妻龔氏年二十九夫卒慟絕復甦或欲奪其志氏以死
拒歲歉結網捕魚以養舅姑儒望妻劉氏事姑至孝咸豐四年寇
至欲殺其姑劉以身翼姑涕泣求代迺並釋焉采訪

朱厚貞監利人歲貢朱從忠女幼字龔氏子龔卒女守貞不嫁勤
紡績以供甘旨依父母終身兄廩生厚植早卒遺孤傳禮女教之
讀書佩於庠又秦益貞劉貞源妻鄭氏均監利人守貞不字監利志

朱胡氏監利人朱遵雲妻夫卒遺孤克承甫週歲氏孝事舅姑撫
子成立夫忌日齋戒變食泣下沾巾至舅姑前輒破涕為笑以博
歡娛舅姑同日告終盡誠盡禮延師課子有孟陶遺風迨承完配
欲為請旌氏正色拒之承復早世婦胡氏年二十僅生一女欲以
死殉轉念孀姑在堂遂惡棺誓志代夫養親繼室姪復德以承夫

死殉轉念孀姑在堂遂惡棺誓志代夫養親繼室姪復德以承夫

死殉轉念孀姑在堂遂惡棺誓志代夫養親繼室姪復德以承夫

死殉轉念孀姑在堂遂惡棺誓志代夫養親繼室姪復德以承夫

死殉轉念孀姑在堂遂惡棺誓志代夫養親繼室姪復德以承夫

死殉轉念孀姑在堂遂惡棺誓志代夫養親繼室姪復德以承夫

死殉轉念孀姑在堂遂惡棺誓志代夫養親繼室姪復德以承夫

志百五十八

人物三十六 列女傳

大

志百五十八

人物三十六 列女傳

九

祀姑病篤醫藥罔效氏刲股和羹以進姑病頓起嘉慶元年旌

利

周黃氏監利人周昌培妻年十九夫故子未彌月氏痛不欲生顧

念翁姑年老遺孤待撫乃矢志守節孝養罔懈教育有方鄉里推

重之卒年七十三守節五十五年光緒九年旌

冊

李道緣妻張氏松滋人道緣富而好義歿後張益廣其施吳三桂

之亂邑被賊擾多鬻產逃亡事定而歸張所購產悉以還其人不

索其直

府志

陳氏監生范文鏐妻松滋人年二十夫亡遺腹生男周歲復祔有

勸之改適者氏以刀勢面自誓夫未葬時城西火氏後房燒盡延

及中堂氏撫棺慟哭不去風轉火旋滅苦節終身乾隆十七年旌

松滋

志百五十八

人物三十六 列女傳

辛

杜氏武舉彭紹敏妻松滋人于歸僅一月夫北上逾年病卒部中

時氏年二十四夫概旋里痛不欲生因夫鮮兄弟舅姑無人侍奉

乃不敢死並勸姑為舅納側室生夫弟二人姑歿夫弟俱幼氏撫

以成名立其子為嗣卒年八十五歲豐十年旌

松滋

王氏劉士燦妻松滋人年二十三夫亡撫嗣養姑以節孝著咸豐

十年旌

松滋

周氏枝江人順治己亥進士楊毓貞妻夫婦避兵江北氏為賊掠

自刎死毓貞匿林中賊去解衣裹屍瘞之繼室胡氏年二十六毓

貞卒氏撫孤子教以義方子又不壽氏撫三孫皆成立卒年八十

七枝江

志

李氏呂華妻枝江人年十九夫亡撫孤苦守夫兄某欲奪其志氏

攜子避居母家父居以別室夫兄某素無賴刎頭李氏門以恐之

氏不得已鳴於官邑令任予執照以成其志卒年八十一

枝江

袁氏蕭翼勤妻枝江人年十八夫亡無子守志奉姑以節終

枝江

劉氏庠生譚國榜繼配枝江人年二十一夫亡守節撫前妻子天

壤不率教氏泣拜夫靈自責子亦感悟成立鄉黨稱之

枝江

魯氏黃大仁妻枝江人嫁甫一載夫亡其父欲奪其志女自縊死

枝江

志

楊氏枝江澤洲人曹志适之妻太學生學襄之妹年二十六夫故

家貧甚躬勤紡績孝事舅姑撫幼子承勇成立苦守終身鄉人咸

稱其節操云

冊

楊大鏡妻周氏枝江人年二十而寡無子遺一女氏晝夜哭泣絕

粒而死此光緒三十三年八月事也

冊

曹良祥妻李氏宜都人遭亂避之石羊山夫婦被掠李給賊曰吾

志百五十八

人物三十六 列女傳

至

夫文士不足用子幼留之無益請旋放歸畱我賊從之度良祥父

子行遠坐地不去見鄉人趨過呼曰我曹某妻也告我夫我死此

矣大罵被害

府志

黃氏宜都人適劉永華永華無父母兄弟田五石四斗地五段收

其租以佐食生一子一女未幾永華死或謂之嫁以死誓晨夜織

紵不少休以其贏買田積四石九斗居四年子復天或又謂之烈

婦志堅不可奪又二年永華從兄澤遠利其田以其居無鄰私受

聘於李守揆約夜劫之一夕澤遠自竄入啓扉納守揆縛烈婦置

諸騎盡收其田宅契約烈婦且哭且罵至李氏家守揆不敢犯守

以老嫗烈婦僕范正宜奔告於其叔黃方與方興求諸李氏請釋

不許烈婦自刎死事聞於官論澤遠如律

茶山

文鈔

陳孝女宜都陳明遠女幼讀書以母死父老矢志不嫁孀弟妹父

死率諸妹灌園課弟讀一一婚嫁之其功之親罕見其面宜都志

周氏毛秉德妻東湖人事舅姑以孝聞值憤逆之亂避兵岩寨賊肆劫掠氏義不受辱投身于初岩而死東湖志

李氏東湖人年十四父許字羅某既長忽改議字宜都王氏子女聞其言弗之信也其母以實告女泣諫不從乘間投江死東湖志

孟氏武舉覃慎妻東湖夫人病勞瘵氏侍奉維謹慎自知不起念氏年少相顧徘徊屢出言試之氏慈髮自誓曰君勿我疑我知所自處矣及慎病垂危氏部署舍殮諸事預製二觀先期投繯死慎絕而復甦忽問氏所在家人以實告慎遂卒東湖志

王氏夷陵邵登雲僕婦本山西良家子以歲餘聘為婢長配奴左順順地所有女復死卒無二志主察其誠樣委以管鑰皆部署有條理或強之改適拒不從乘間投繯死邵以禮葬為誌墓焉今墳

在六一書院西北一里許石碑具在平遠志

天池山民婦有殊色嘉慶教匪之亂為賊所逼婦詭曰吾已失所天得從爾甚願賊擁婦從一少年行數里至其巢少年具有饌飲婦俯之醉手刃之又斬其同脅者數人乃自縊死移風雜錄

歸州城南一里相傳有烈婦與夫偕行遇賊賊殺其夫有之烈婦誘賊埋夫取賊刀自殺賊並為之埋其後塚上有樹異根連枝經霜不彫歸州志

孫貞女歸州人孫樹珍女幼穎悟讀內則及女誡過目成誦稍長工刺繡言笑不苟許字興山邱瓊林親迎有期瓊林病歿女聞訃請於父母奔喪撫柩長號即栗主前泣奠成禮遂留事翁姑請於翁立夫兄子祖瑛為嗣里黨稱賢歸州志

張兆桂妻向氏歸州向雲路女幼許字兆桂兆桂父賄死訟兆桂

家兆桂又替母李氏請雲路罷婚女跪泣曰先富後貧命也有廢疾亦命也必欲他婿者女死矣雲路深慰女言予千金產適張養姑產二子長子承美後為之割股雲路先無子踰七十生子人謂厚德之報云歸州志

胡貞女長陽人許字柳紹緒未行而紹緒卒女隨母往視含殮一痛幾絕哭畢過拜伯叔誓死守伯叔難之母亦不欲女不聽易服為塋喪主事為之立嗣後族人無行者利其產強刈其田禾藉端搆訟不得伸貞女斷中指以血塗夫靈遂自縊死采訪

趙起貴妻宋氏長陽人童養於趙早失姑事翁若父翁歿起貴以義勇從軍遭疾歸閨數年益病願謂婦曰盍他適宋堅不從趙自怨負病久累其婦欲自縊宋防閑備至一日趙忽霍然不藥而痊

志長陽

志百五十八 人物三十六 列女傳 三

向世遠妻李氏長陽李士璜女嫁四年而寡撫嗣子家蘭家蘭死又撫嗣孫昌麟昌麟死又撫曾孫作舟訓作舟益嚴嘗曰吾已衰老若此兒驕縱墮行向氏復何望乎卒年九十一及見元孫述翰

采訪

陳張氏興山人其舅發旺父子為縣役儒而貧張年二十一生一子其夫溺死投繯以殉救甦有營卒王青槐者謀為繼妻堅不從伺其枉母家委聘於其母即日辭母走還又迫脅舅舅不能拒益登門索妻走依族叔又從之乃挺身謂青槐曰必欲娶我寧得無鼓樂彩輿乎青槐夜以輿來張遂釋服乘輿與至啓帷張已自劉知縣楊應桓視之氣微屬使昇歸陳逾月創合乃狀於應桓曰幸不死得守節事老親請無鞠青槐應桓知其為舅也歎息從之醺

金科子錢以瞻興山志

志百五十八 人物三十六 列女傳 三

何樂妻魯氏巴東人梁少孤依於繼父常婚數月而死氏年十九無子常迫令嫁氏拔刀斷指血淋漓示常常怒不與食氏紡績自給撫嗣子國泰苦節三十七年采訪

向鳳高妻楊氏長樂人早寡子賢為諸生嘉慶元年教匪竄縣境楊命子募鄉兵於腰帶嚴禦之賊不敢入采訪

湯全道妻張氏長樂張光前女八歲喪母事繼母孝十五歸全道家貧任力作養姑不令全道廢書姑病多怒雖倚張為命而病昏病時輒撻之一日之厨下姑怒暴發赤身操杖起縫人人莫不避張獨奔入房受杖數十血出日不如是則戮吾姑也姑愈或告之狀驚悔而泣張力白無有姑死哀毀逾常未幾亦死年三十采訪吳菊英鶴峯女子嫁為州人于氏妻其小姑護而斃之以暴疾聞女愚於姑促母詣州訴之質謝數四啓棺諦視傷固在也遂蔽罪

志百五十八

人物三十六 列女傳

雷

小姑知州梁元珠記其事百柱

室集

洪應桂妻李氏鶴峯人許字洪後父母擊之貴州興義年二十父母歿作女紅撫幼弟興義之人聞其賢皆來求婚弟以告恍然曰汝寧不知我字洪者撫汝長實我耶乃蓄資命弟迎應桂成婚與同歸采訪

王德成妻邵氏鶴峯人年十九夫死欲殉舅姑泣止之後有託鄰媼諷以嫁者邵方怫然媼乃言有舅姑命且迎者在途邵理衣裳歎曰天乎何死之晚乎仰藥而絕采訪

尹李氏鶴峯人候選訓導李潮聲女適庠生尹高星光緒十六年尹病甚氏刺血刲股以進卒不起氏服毒以殉采訪

高王氏鶴峯人高大棟之妻光緒十八年棟病癆求婚或勸勿往氏謂已許字於義不可善調治或得膠卽有不幸亦命也于歸甫

四月棟卒氏從容治喪葬家人嚴防之卒乘間自經死采訪吳龔氏鶴峯人四川東鄉知縣吳述曾之繼室氏為監利龔瑤圃女父早卒隨諸父寶瓊赴蜀任所婚於吳未幾吳卒氏飲藥殉焉采訪

李孝女施州衛人七歲割股愈父疾康熙

馮貞女恩施人馮慕謙女許字楊氏子年十四楊歿守貞於家道光五年卒適命葬父墓側無作佛事馮貞女

向烈婦恩施向遠沛之妻也姓陳氏光緒丙申遠沛父歿倉久霖洪潦溢河遠沛冒險渡江營葬其父歸途及其子溺焉氏奔赴營救子全而夫尸不獲仰天號泣痛不欲生絕粒者三日猶力疾經紀其夫身後事甚悉成服之夕遂一慟而絕光緒二十九年建坊入祀節孝祠采訪

志百五十八

人物三十六 列女傳

至

唐廷逢妻楊氏宣恩人夫亡氏年十有七矢志守節善事翁姑撫姪某為嗣苦節三十九年以壽終宣恩

劉豫吉妻周氏宣恩人夫死氏年二十撫孤守志苦節終身宣恩蕭亦名妻范氏宣恩人夫亡氏年二十二家貧無子伯叔欲奪而嫁之氏矢志靡他冰霜自勵撫姪某為夫嗣苦節終身宣恩

覃昭和妻田氏來鳳人婚彌月昭和遊山東不歸家貧嗣子復天終身作苦以養舅姑咸豐十一年避難載其先世族譜稿行他無所持覃氏因以有譜施南

田氏女來鳳人父晨出牧羊突為豹所困呼救莫敢近女持械擊豹為所斃父得免施南

游張氏來鳳人佚其夫名遇粵匪於乾洞橋河上岸高數百尋賊牽其衣張怒挾賊髮盡力一躍死岸下賊亦墜粉施南

牽其衣張怒挾賊髮盡力一躍死岸下賊亦墜粉施南

袁孝女繡貞來鳳哀以怨女幼許字何氏家貧兄常遊蕩母病無養繡貞翦髮持齋請何氏別婚何不能奪有尼至其家繡貞謝曰吾但知有母不知因果無相逼遂深自韜晦不見親戚者數十年又有王齒一女幼從兄顯棟讀書家貧母病不肯字人顯棟沒

助嫂氏撫孤府志唐世官妻何氏來鳳何遠裕女兄字曰恩姑年二十二世官歿守節咸豐十一年從母避賊山中為賊搜得育之行不從陞嚴為賊所持益罵賊賊割其舌而去其父收得尸俾與其弟婦玉姑合葬玉姑鄧氏即遠裕之妻同避山中賊殺恩姑時從姑墜崖皆不死賊追刃其姑玉姑以身翼蔽賊曳之鬻賊指盡碎賊殺之負痛而去姑尚能言謂遠裕父子新婦不讓我不死賊手也後數日姑亦死府志

蔣士英妻金氏咸豐人夫弟士槐從士英讀書金撫之士英歿士槐為諸生白蓮教起傾家命士槐募勇勤匪事平以功授湖南縣丞歷知瀏陽沅江攸縣事金為書諭之曰汝既讀書出仕宜豫已勸民毋負汝先兄之訓汝嫂素安舊泊家雖貧不望汝作官寄錢養我也咸豐志

志百五十八 人物三十六 列女傳

彭學義妻田氏來鳳田鴻學女少孤無兄弟嫁於咸豐常悲其父母墓遠又不肯離舅姑輾轉託宗人祭掃而已同治七年舅姑喪既終亟請於夫之來鳳省墓至則荆薪蕪穢伏地大哭曰無嗣之墳如是耶時已六七十勸絕復甦因而失明越數年卒咸豐志

樂正禮妻張氏咸豐張氏鯨女略涉書史家足自給夫婦並讀書為樂婚久不育買妾生二子伉儷逾篤年八十餘同時無病終咸豐志

劉李氏咸豐人劉正品之妻也年十七于歸二十而劉卒孤子學勤甫九月氏上奉翁姑下撫弱子孝慈兼盡閭里咸欽光緒丙申年卒年五十七冊

彭鐵匠妻楊氏咸豐人家貧夫婦並作苦中年夫歿又課子力田積累萬金嘗訓其子以為天下之大利莫如為農然不為善亦天所忌也子孫遂有讀書好善者卒年九十九咸豐志

鄒宗仁妻張氏利川人粵賊陷城宗仁年八十六罵賊不屈遇害張亦篤老投水以殉子文魁抱父尸哭賊炙其背死文魁子婦魏氏號救不獲負幼女投井同時宗仁女孫張家桂妻遭賊偏欲自刎賊奪其刀殺其舅驅之使行鄒言盡取藏金而後行賊將取金見鄒負小兒投井疾趨樹之棄井中利川志

張章氏利川人事舅姑柔順而有膽略粵寇營家人舉逃姑病狂牀天大雪不能行氏守之賊至謂賊曰家有溺死之人不足當汝刀故我留此賊驚其美欲為亂不可賊殺之去姑竟免利川志

周烈女利川人字冬梅性孝侍祖母疾兩月目目不交睫父母鍾愛之年十九許字邑人王方壽將消吉成禮而方卒家人諱之女不知也踰月女微聞之慟絕者再父母寬譬百端方乃泣啼作笑家人不知防也是夜風雨寒甚女啓門投江死詰旦家人尋至以為尸必逐奔流去正慘駭開尸忽從水中浮出顏色如生觀者無不惜此光緒癸巳年事也冊

田氏建始句女父母歿從楊媪勾城中夜入廢屋避雪男勾呂雙幅亦來投宿偕女為亂女不從被刃死官為昭雪建坊於城南事在道光十九年施南府志

黃鳳姑建始黃世鈞女適康氏子康嗜鶯粟好蕩游苦諫不聽自

志百五十八 人物三十六 列女傳